



12  
454  
16.10.2023

Bosnia and Herzegovina  
Federation of Bosnia and Herzegovina  
CANTON SARAJEVO  
Government

JAVNA USTANOVA  
NARODNO POZORIŠTE  
SARAJEVO  
Broj: 6345/23  
Datum: 31. 10. 2023. god.

Broj: 02-04-44125-18/23  
Sarajevo, 19.10.2023. godine

Na osnovu člana 26. i 28. stav (2) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - ispravka) i člana 9. stav (2) Pravilnik o vrstama vlastitih javnih prihoda u Federaciji Bosne i Hercegovine („Službene novine FBiH“, broj: 104/22) Vlada Kantona Sarajevo, na 31. sjednici održanoj 19.10.2023. godine, donijela je

## O D L U K U

### O DAVANJU SAGLASNOSTI NA PRAVILNIK O VRSTAMA VLASTITIH JAVNIH PRIHODA JAVNE USTANOVE „NARODNO POZORIŠTE“ SARAJEVO

#### I

Daje se saglasnost na Pravilnik o vrstama vlastitih javnih prihoda Javne ustanove „Narodno pozorište“ Sarajevo, broj: 05-5693/23 od 04.10.2023. godine.

#### II

Ova odluka stupa na snagu danom donošenja, a objavit će se u „Službenim novinama Kantona Sarajevo“.

PREMIJER

Nihad Uk



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo kulture i sporta Kantona Sarajevo,
5. Ministarstvo finansija Kantona Sarajevo,
6. Javna ustanova “Narodno pozorište” Sarajevo (putem Ministarstva kulture i sporta Kantona Sarajevo),
7. Za objavu u “Službenim novinama Kantona Sarajevo”,
8. Evidencija,
9. A r h i v a.



**JU NARODNO POZORIŠTE  
SARAJEVO  
UPRAVNI ODBOR**

Broj:05-5694/23

Sarajevo, 04.10.2023. godine.

Na osnovu člana 40. stav 1. tačka g), Pravila JU Narodno pozorište Sarajevo, (broj: 05-1672/23) od 14.03.2023.godine Upravni odbor JU Narodno pozorište Sarajevo, na sjednici održanoj dana, 04.10.2023. godine, donosi

**O D L U K U**

**o usvajanju Pravilnika o vrstama vlastitih javnih prihoda JU Narodno pozorište Sarajevo**

**I**

Usvaja se Pravilnik o vrstama vlastitih javnih prihoda JU Narodno pozorište Sarajevo broj: 05-5693/23 od 04.10.2023. godine.

**II**

Ovaj Pravilnik o vrstama vlastitih javnih prihoda JU Narodno pozorište Sarajevo stupa na snagu danom davanja saglasnosti Vlade Kantona Sarajevo.

**III**

Pravilnik o vrstama vlastitih javnih prihoda JU Narodno pozorište Sarajevo će se objaviti na oglasnoj ploči, web stranici JU Narodno pozorište Sarajevo i „Službenim novinama Kantona Sarajevo“, te dostaviti Ministarstvu kulture i sporta Kantona Sarajevo.

**PREDSJEDNICA  
UPRAVNOG ODBORA**

**Edina Papo**

**Dostaviti:**

- web stranici JU Narodno pozorište Sarajevo
- Službene novine Kantona Sarajevo,
- Ministarstvu kulture i sporta Kantona Sarajevo,
- oglasna ploča JU Narodno pozorište,
- EPS,
- Upravni odbor,
- a/a.

Na osnovu člana 9. stav (1) Pravilnika o vrstama vlastitih javnih prihoda u Federaciji Bosne i Hercegovine („Sl. novine Federacije BiH“, broj: 104/2022), člana 27. stav 1. alineja 6. Zakona o ustanovama („Službeni list RBiH“, broj 6/92, 8/93 i 13/94) i člana 40 stav 1. tačka g) Pravila Javne ustanove Narodno pozorište Sarajevo broj: 05-1672/23 od 14.03.2023. godine, Upravni odbor JU Narodno pozorište Sarajevo, na sjednici održanoj dana 04.10.2023. godine donosi:

## **PRAVILNIK O VRSTAMA VLASTITIH JAVNIH PRIHODA JU NARODNO POZORIŠTE SARAJEVO**

### **I OPŠTE ODREDBE**

#### **Član 1.**

##### **(Predmet)**

Ovim Pravilnikom uređuju se vrste, način i rokovi raspodjele vlastitih prihoda koje ostvaruje JU Narodno pozorište Sarajevo (u daljem tekstu Pozorište), pravni osnov ostvarivanja, namjena i način trošenja vlastitih javnih prihoda.

#### **Član 2.**

##### **(Vlastiti prihodi)**

Pod vlastitim prihodima Pozorišta podrazumjevaju se prihodi koje Pozorište ostvari obavljanjem osnovne djelatnosti i ostalih poslova na tržištu.

### **II KRITERIJ ZA UTVRĐIVANJE I VRSTE VLASTITIH JAVNIH PRIHODA POZORIŠTA**

#### **Član 3.**

##### **(Kriteriji)**

Kriterij za utvrđivanje vlastitih javnih prihoda Pozorišta, u skladu sa članom 4. Pravilnika o vrstama vlastitih javnih prihoda u Federaciji BiH, su da :

- a) prihod ne spada u kategoriju poreza, doprinosa, taksi, naknada i kazni;
- b) prihod nije kao javni prihod propisan posebnom odredbom u zakonu;
- c) prihod se ostvaruju obavljanjem aktivnosti na tržištu i u tržišnim uslovima, a koje aktivnosti mogu obavljati i drugi pravni subjekti na tržištu (ne postoji isključivost za obavljanje aktivnosti), s tim da je ta aktivnost izvan propisom utvrđene osnovne djelatnosti uređene propisima o osnivanju i utvrđivanju djelokruga rada Pozorišta.

#### **Član 4.**

##### **(Vlastiti javni prihodi od iznajmljivanja prostora i opreme)**

(1) Vlastiti javni prihodi Pozorišta od iznajmljivanja, prostora i opreme koji zadovoljava kriterije iz člana 3. ovog Pravilnika, a u skladu sa članom 5. Pravilnika o vrstama vlastitih javnih prihoda u Federaciji BiH, su:

	Oznaka vrste prihoda	Naziv vlastitog javnog prihoda
1.	722642	Vlastiti prihod od iznajmljivanja poslovnih prostora
2.	722643	Vlastiti prihod od iznajmljivanja drugih nepokretnosti
3.	722644	Vlastiti prihod od iznajmljivanja vozila
4.	722645	Vlastiti prihod od iznajmljivanja opreme

(2)Pravni osnov ostvarivanja vlastitih javnih prihoda iz stava (1) ovog člana je Pravilnik o uslovima iznajmljivanja i korištenja prostora u Narodnom pozorištu broj:05-3798/19 od 03.06.2019. godine i potpisani ugovori sa zakupoprincima u skladu sa važećim propisima.

(3) Namjena utroška vlastitog javnog prihoda iz stava (1) ovog člana je za pokrivanje izdataka programskih troškova, nadoknada materijalnih troškova izazvanih programskim aktivnostima, pokrivanje troškova tekućeg održavanja i pokrivanje troškova nabavke opreme.

### Član 5.

#### (Vlastiti javni prihodi od prodaje usluga pristupa i korištenja)

(1)Vlastiti javni prihod od prodaje usluga, pristupa i korištenja koji zadovoljava kriterije iz člana 3. Pravilnika , a u skladu sa članom 6. Pravilnika o vrstama vlastitih javnih prihoda u Federaciji BiH, je:

	Oznaka vrste prihoda	Naziv vlastitog javnog prihoda
1.	722651	Vlastiti javni prihod od prodaje usluga pristupa i korištenja

(2)Pravni osnov ostvarivanja vlastitih javnih prihoda iz stava (1) ovog člana je Pravilnik o načinu prodaje ulaznica i utvrđivanju kriterija za dodjelu gratis ulaznica i pozivnica u Javnoj ustanovi Narodno pozorište Sarajevo (broj:05-4250/19 od 24.06.2019) i Pravilnik o izmjenama dopunama Pravilnika o načinu prodaje ulaznica i utvrđivanju kriterija za dodjelu gratis ulaznica i pozivnica u Javnoj ustanovi Narodno pozorište Sarajevo (broj:05-6705/19 od 18.11.2019).

(3) Namjena utroška vlastitog javnog prihoda iz stava (1) ovog člana je za pokrivanje izdataka programskih troškova, nadoknada materijalnih troškova izazvanih programskim aktivnostima, pokrivanje troškova tekućeg održavanja i pokrivanje troškova nabavke opreme.

### Član 6.

#### (Vlastiti javni prihodi od oglašavanja proizvoda i usluga)

(1)Vlastiti javni prihod od oglašavanja proizvoda i usluga koji zadovoljava kriterije iz člana 3. Pravilnika , a u skladu sa članom 6. Pravilnika o vrstama vlastitih javnih prihoda u Federaciji BiH, je:

	Oznaka vrste prihoda	Naziv vlastitog javnog prihoda
1.	722654	Vlastiti javni prihod od oglašavanja proizvoda i usluga

(2) Pravni osnov ostvarivanja vlastitih javnih prihoda iz stava (1) ovog člana su potpisani ugovori o saradnji o pružanju marketinških usluga, potpisani ugovori o sponzorstvu/pokroviteljstvu.

(3) Namjena utroška vlastitog javnog prihoda iz stava (1) ovog člana je za pokrivanje izdataka programskih troškova, nadoknada materijalnih troškova izazvanih programskim aktivnostima, pokrivanje troškova tekućeg održavanja i pokrivanje troškova nabavke opreme.

#### **Član 7.**

##### **(Vlastiti javni prihod od distribucije i prodaje pisanih, foto i video publikacija i materijala, obrazaca)**

(1) Vlastiti javni prihod od distribucije i prodaje pisanih, foto i video publikacija i materijala, obrazaca koji zadovoljava kriterije iz člana 3. Pravilnika, a u skladu sa članom 6. Pravilnika o vrstama vlastitih javnih prihoda u Federaciji BiH, su:

	Oznaka vrste prihoda	Naziv vlastitog javnog prihoda
1.	722655	Vlastiti javni prihod od distribucije i prodaje pisanih, foto i video publikacija i materijala, obrazaca

(2) Pravni osnov ostvarivanja vlastitih javnih prihoda iz stava (1) ovog člana je Odluka direktora Pozorišta za usluge koje nisu definisane Pravilnikom u skladu sa Pravilima JU Narodno pozorište Sarajevo broj:05-1672/23 od 14.03.2023. godine.

(3) U slučaju donošenja Odluke direktora Pozorišta za usluge koje nisu definisane Pravilnikom potrebna je saglasnost Upravnog odbora.

(4) Namjena utroška vlastitog javnog prihoda iz stava (1) ovog člana je za pokrivanje izdataka programskih troškova, nadoknada materijalnih troškova izazvanih programskim aktivnostima, pokrivanje troškova tekućeg održavanja i pokrivanje troškova nabavke opreme.

#### **Član 8.**

##### **(Vlastiti javni prihod od ostalih aktivnosti)**

(1) Vlastiti javni prihod od od ostalih aktivnosti koji zadovoljava kriterije iz člana 3. Pravilnika, a u skladu sa članom 6. Pravilnika o vrstama vlastitih javnih prihoda u Federaciji BiH, su:

	Oznaka vrste prihoda	Naziv vlastitog javnog prihoda
1.	722659	Vlastiti javni prihod od ostalih aktivnosti (gostovanja u zemlji i inostranstvu)

(2) Pravni osnovi ostvarivanja vlastitih javnih prihoda iz stava (1) ovog člana su pozivi na gostovanja i potpisani ugovori.

(3) Namjena utroška vlastitog javnog prihoda iz stava (1) ovog člana je za pokrivanje izdataka programskih troškova, nadoknada materijalnih troškova izazvanih programskim aktivnostima, pokrivanje troškova tekućeg održavanja i pokrivanje troškova nabavke opreme.

### **III PLAĆANJE, USLOVI, NAČIN I ROKOVI RASPODJELE VLASTITIH JAVNIH PRIHODA**

#### **Član 9.**

##### **(Planiranje i namjena vlastitih javnih prihoda)**

- (1) Planiranje i raspolaganje vlastitim javnim приходima, kao i nadzor nad istim vrši se u skladu sa Zakonom o budžetima Federacije Bosne i Hercegovine ("Službene novine Federacije BiH", broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25/22), propisima koji uređuju Računovodstvene politike Pozorišta, propisima koji uređuju način plaćanja i trošenja vlastitih javnih prihoda i ovim Pravilnikom.
- (2) Vlastiti javni prihodi Pozorišta planiraju se kroz Plan budžeta Pozorišta i izmjene i dopune budžeta Pozorišta.
- (3) Na osnovu planiranih vlastitih javnih prihoda iz ovog Pravilnika, planirat će se i rashodi i kapitalni izdaci.
- (4) Vlastiti javni ovog Pravilnika, korišće se prioriteto za pokriće izdataka (rashoda) nastalih obavljanjem poslova iz kojih proizilaze ti prihodi, a ostatak će se raspoređivati na tekuće i kapitalne izdatke.

#### **Član 10.**

##### **(Raspolaganje vlastitim javnim приходima)**

- (1) Pozorište raspolaže sa ostvarenim vlastitim javnim приходima u skladu sa članom 14. Zakona o izvršavanju budžeta Kantona Sarajevo za 2023. godinu („Sl. novine KS“, broj: 15/23) i ovim Pravilnikom.
- (2) Pozorište može koristiti vlastite javne prihode prema izvještaju Ministarstva finansija KS koji se Pozorištu dostavlja do 15. u mjesecu za prethodni mjesec.
- (3) Vlastiti javni prihodi koji nisu planirani u Budžetu, a koji se ostvare u toku godine ili se ostvare u većem iznosu od plana u Budžetu, na prijedlog Pozorišta unosit će se i raspoređivat odlukom Vlade i postaju sastavni dio Budžeta.

### **IV NAČIN UPLATE I TROŠENJA VLASTITIH JAVNIH PRIHODA**

#### **Član 11.**

##### **(Uplata i trošenje vlastitih javnih prihoda)**

- (1) Vlastiti javni prihodi Pozorišta uplaćuju se na depozitni račun Budžeta Kantona Sarajevo.
- (2) Vlastiti javni prihodi Pozorišta mogu se naplaćivati i u gotovini.
- (3) Pozorište je odgovorno za potpuno i pravovremeno uplaćivanje vlastitih javnih prihoda na depozitni račun.
- (4) Pozorište je dužno vlastite prihode ostvarene u gotovini uplatiti na depozitni račun i to najkasnije narednog dana od dana naplate istih, a naplaćena gotovina se ne može koristiti za izmirenje tekućih obaveza.
- (5) Vlastiti javni prihodi Pozorišta moraju se utrošiti do kraja budžetske godine, a neutrošeni dio vlastitih javnih prihoda postaje javni prihod Budžeta Kantona Sarajevo naredne godine.

**Član 12.**  
**(Raspoređivanje ostvarenih i naplaćenih vlastitih prihoda)**

Pozorište je dužno da ostvarene i naplaćene vlastite prihode rasporedi na rashode u finansijskim mjesečnim planovima izvršavanja Budžeta.

**V ZAVRŠNE ODREDBE**

**Član 13.**  
**(Izmjene i dopune)**

Izmjene i dopune ovog Pravilnika vrše se na način i po postupku predviđenog za njegovo donošenje.

**Član 14.**  
**(Stupanje na snagu)**

- (1) Ovaj Pravilnik stupa na snagu usvajanjem od strane Upravnog odbora, i dobijanja pozitivnog mišljenja od strane Ministarstva finansija, uz saglasnost Vlade Kantona Sarajevo, a primjenjivat će se od 01.01.2024.godine.
- (2) Pravilnik će se objaviti na web stranici Pozorišta, oglasnoj ploči Pozorišta i u „Službenim novinama Kantona Sarajevo“.
- (3) Danom stupanja na snagu ovog Pravilnika prestaje primjena Pravilnika o korištenju vlastitih prihoda, načina i rokova raspodjele, broj:05-3200/17 od 06.06.2017. godine.

**Predsjednica Upravnog odbora**  
**Milina Pažo**

Broj: 05-5693/23

Datum: 04.10.2023.godine